



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Manuale Parochorum, Sive Institutiones & Praxes Tum
Vitæ, tum Officii Pastoralis**

Musart, Charles

Monachii, 1654

III. Sobrietas requiritur causâ Castitatis, & ad officium ritè peragendum.

urn:nbn:de:hbz:466:1-41616

bus possit haberi suspicio, in domo, vel extra, teneant, aut cum illis ullam consuetudinem habere audeant, aliqui vult, ut poenas à sacris Canonibus vel statutis Ecclesiæ impositas incur- rant. At necesse est, inquires; ut, nisi Pastoris personam, aut munus depo- nam; cum foeminiis verter, subinde etiam conuerter. Quid tunc agam? Clypeum, & loricam indu, ut vel hostile telum retundas, vel infringas, vel ictum saltrem evites. armis, & præsidiis h̄ic opus est, acritérq; decer- tandum, ideo Palladem Virginitaris Deam, antiquitas armaram esse finxit. Verūm ista persequi iam non vacat, ad libri calcem quādam necessariō dicenda mihi erunt; audies; si placet.

N V M: III.

Sobrietas.

SObrietas ebrietas, nomine affi- nes, re maximè repugnant: illa castitatis amica, hæc inimica. proli-

xum rursus argumentum : sed institutum meum monet, ut brevis sim : ego hīc satis habuero, si quantum Parocho necessaria sit sobrietas, ex ebrietatis turpitudine ostendero. Philistini sacerdotes Dagon ventriculosum Deum, imò totum ventrem, coluere quondam. crederétnē quispiam idolum istud etiam inter primos Chrestianos sua templa habuisse, suas aras, suos sacrificulos? certè Apostolus tales aliquos etiam flens agnoscit, quorum Deus venter erat : quem locum explanans Tertullianus : *Deus, inquit, venter, pulmo templum, aqua licus altare, quibus tota charitas in cacabis feruet, fides in culina, spes tota in ferculis.* Et verò hic ventri-dæmon habet adhuc aliquos mystas, &c sacrorum ministros, atq; vtinam nullos ex Sacerdotibus Christi, quibus istud Jeremias occlamandum sit. *O Pastor! O Idolum!* quid enim esset pastor ebrius a liud, quām Idolum? oculos haberet,

& non

& non videret; aures, non audiret;
nares, non odoraretur; manus, non
palparet; pedes, non ambularet; lar-
ua pastoris est iste pastor, ac ne homo
quidem: rectè enim Chrysologus: *E-
brietatem qui habet, homo non est, & Au-
gustinus, eam qui habet, seipsum non
habet.*

A gedum nunc; quid fiet isto pa-
store non pastore, homine non homi-
ne? an sine graui gregis offensione
præesse, an omnino officium facere
poterit? si dicendum ad populum, si
omnino loquendum erit, aut impedi-
tâ linguâ amittet vocem, aut huma-
nam non edet: frendebunt dentes,
labia trement, nec manus, nec pedes
obsequentur; errabit, labetur velut
comitiali morbo corruptus, & quâ
ratione homo ratione carens, horas
Canonicas recitat? quomodo sta-
bit ad altare? quo ore D E V M voca-
bit? quibus manibus tractabit? quâ
temeritate in stomachum eructantem

B per

26 *Manualis Parochorum*

per impuras fauces transmittet? aut
(si à sacrificio abstineat) in templo
vel non cantabit, vel submugiet.

Denique quanto non solum cum
scandalo, verum etiam cum periculo
baptismum, absolutionem, Eucharis-
ticam, extremamunctionem balbuti-
ens, titubans, vix sibi praesens, admi-
nistrabit? Tamen ad sua munia ri-
obeunda, ad Sacra menta sancte mini-
stranda dies, noctesque, ac propemo-
dum omni temporis momento Paro-
chi prompti, & expediti esse debent
nam plerumque, ut sit in humanis, su-
biti, & inopini casus accidenti, quibus
necessitas, aut commoditas populi, su-
bere salutis auxilia depositentis, open-
implorent, & quam pastores exhibe-
re teneantur. En tibi, quam necessi-
tis te, non modò nunquam ebrium, sed
semper sobrium esse: nam ebrios Pa-
rochos credo iam nulloesse, aut cer-
te paucos, at minus sobrios, paulo
plures. De conuiuis, popinis, & lu-

libus

libus erat quoq; aliquid, quod mone-
rem: Verum alio postea loco fiet
commodius.

C A P V T V.

Sit Prudens, Vigilans, Diligens,

N V M : I.

*Regimen animarum singularem requirit
prudentiam.*

Prudentia ceterarum virtutum
moderatrix est: iis enim medium
ponit, intra quod consistant, ne defe-
ctu, aut excessu à recto exorbitent.
Principalis est hæc virtus, id est, viro-
rum principum, & regum: sine quā
regere velle insania est: Philosophi-
ea mens est, idq; sapientes Ägypti o-
culo ad summitatem sceptri fixo hye-
roglyphicè adumbrarunt; sed nulli
prudentia necessaria magis, quam pā-
storibus animarum: est enim hoc regi-
men, vt eminens, ita perarduum,
ideoque Christus, cùm Apostolos ad
salutem animarum ex officio procu-
randam